

МУСТАҲҚАМ ОИЛА – ЖАМИЯТ ТАРАҚҚИЁТИ

Бугунги кунда ҳар қандай жамиятнинг асосий кўзгуси хотин-қизлар эканлиги шубҳасиздир. Халқимиз орасида "Аёл бир қўли билан бешикни, иккинчи қўли билан дунёни тебратади", деган нақл бежиз вужудга келмаган. Буюк аجدодларимиз, миллатимиз тарихидан маълумки, ўзбек аёли, ўзбек оналари нафақат ўз элимиз, балки дунё ҳамжамияти, умумбашарият тараққиётига ўзининг улкан ҳиссасини қўшган машҳур, жасур ва доно фарзандларни дунёга келтиришган.

Дунёда икки муқаддас нарса бор – у ҳам бўлса, Она ва Ватан. Бизга нақадар азиз ҳамда қадрли бўлган ана шу иккала сўз аслида ягона маънони, яъни Онани англатади. Қалбимиз тўридан мустаҳкам ва муносиб жой эгаллаган ушбу сўзларнинг ўхшашлиги тасодифий ҳол эмас, дунёда онадан-да эъзозли ва эҳтиромга лойиқ инсон, Ватандан азиз ва қимматли замин йўқ ва бўлиши ҳам мумкин эмас.

Хотин-қизларга, оналик ва болаликни ижтимоий муҳофаза қилишга давлатимиз, қолаверса, шахсан Юртбошимиз томонидан жиддий эътибор ва имконият яратилаётганлигининг боиси ҳам аёлнинг, энг аввало, келажагимиз давомчилари, зурриётларимиз, эртанги кунда бизнинг тақдиримизни ишониб топширадиган фарзандларимиз бунёдкорлари ҳамда тарбиячилари эканлигига алоҳида урғу беришдан иборатдир, деб биламан.

Давлатимиз раҳбари томонидан жорий йилнинг Мустаҳкам оила йили деб эълон қилиниши муносабати билан оилалар чироғи бўлмиш хотин-қизлар масаласи, оила институти янада юксакроқ аҳамият касб этаётганлиги изоҳга муҳтож эмас.

Яқингинада матбуотда эълон қилинган Ўзбекистон Республикаси Президентининг "Мустаҳкам оила йили" Давлат дастури тўғрисида"ги Қарорида марказий звенони яна ўша оилани мус-таҳкамлашда асосий юкни ўз елкасига олган аёлларга бўлган эътибор эгаллаганлиги таҳсинга сазовордир.

Ўзбекистон Республикаси Президентининг "Мустаҳкам оила йили" Давлат дастури тўғрисида"ги Қарорида эътироф этилган "Оила соғлом экан – жамият мустаҳкам, жамият мустаҳкам экан – мамлакат бар-қарор" деган инсонпарвар тамойили бугунги замон зайлига жуда мос бўлиб, мустақил давлатимиз тараққиётининг ҳозирги босқичида жуда муҳим ва ўта долзарб ҳисобланади.

Шундай экан, соғлом фарзандларни дунёга келтириш учун авваламбор, она соғлом, ҳар томонлама етук, оиласи мус-таҳкам, меҳнатсевар ва ватанпарвар бўлиши, ўзи яшаб турган жамиятда кечаётган воқеа-ҳодисаларга дахлдорлик ҳисси, фидойилик билан яшаши, энг муҳими мустақил ҳаётини позициясига эга бўлиши тақозо этилади.

Шу боисдан ҳам мустақиллик йилларидан бошлаб:

- оналик ва болаликни ижтимоий муҳофаза қилиш, фуқаролар репродуктив саломатлигини мустаҳкамлаш;
- юртимиз аёлларининг жамиятдаги нуфузи ва мавқеини ошириш, уларнинг давлат бош-қаруви, қарорлар қабул қилиш ҳамда жамият тараққиётидаги фаол иштирокини таъминлаш;
- хотин-қизларнинг интеллектуал салоҳиятини ошириш, уни турли жабҳаларда намоён этишлари учун кенг имкониятлар яратиш;
- аёлларнинг бирортаси ҳам безътибор қолмаслиги учун жамиятда тегишли шарт-шароит яратиш;
- қишлоқда истиқомат қилаётган аёлларимизнинг уй-рўзғор, бола-чақа билан боғлиқ бўлган юмушлари, фарзандлар тарбияси, оиласидан узоқлашмаган ҳолда оила даромадини кўпайтиришига ўз улушини кўшиши, уйда туриб меҳнат билан банд бўлишини таъминлаш учун имконият яратиб бериш, уларнинг ҳуқуқий асосини мустаҳкамлаш;
- оилалардаги муаммоларни ҳал этиш, оналарнинг фарзандлар тарбияси ва парвариши борасидаги ташвишларини камайтириш, айниқса, қишлоқ аёллари меҳнатини енгиллаштиришга эришиш, қишлоқларда замонавий инфратузилмани барпо этиш, хизматлар кўрсатиш соҳасини ривожлантириш;
- хотин-қизларнинг оила ва жамиятдаги ҳар қандай камситилишларининг олдини олиш каби масалалар юзасидан қатор чора-тадбирлар амалга ошириб келинаётганлиги алоҳида эътиборга сазовордир.

Дарҳақиқат, мамлакатимизнинг ижтимоий сиё-сати йўналишида олиб борилаётган саъй-ҳа-ракатлар ичида хотин-қизлар, она-бола муаммоларига қаратилган эътибор марказий звенони эгаллаб келмоқда. Бунда асосий урғу – соғ-лом она – соғ-лом бо-ла, никоҳланувчи шахсларнинг тиббий кўриги, фуқаролар репродуктив саломатлигини муҳофаза қилиш, оммавий, аёллар, оилавий спорт, таълим, иш билан таъминлаш, хотин-қизларнинг ижтимоий-сиёсий онгини юксалтириш, жамият тараққиётидаги иштирокини кучайтириш, уларнинг ҳуқуқларини ҳимоя қилиш кабиларга берилмоқда.

Аёл кадрини қанчалик кўтаришга муяссар бўлсак, миллий ғуруримиз, маънавият ва маданиятимиз янада юксалиши, оилаларимиз барқарорлиги таъминланиши, ҳалол ва пок, фидойи, ватанпарвар, жамиятга фойда келтирувчи, миллатимизни бутун жаҳонда кўз-кўз қилдиргувчи фарзандларимиз сони кундан-кунга кўпая бориши табиий ҳолдир.

Зеро, ҳар томонлама фаол ва оқила, доно, изланувчан, замонавий аёл меҳнатидан, салоҳиятидан нафақат унинг оиласи, балки бутун жамият манфаатдор бўлиши чин ҳақиқатдир ва биз қураётган жамиятнинг оғир

юкини дадил кўтариб, унинг пойдеворини мустахкамлаб турадиган асосий куч – жамиятимиздаги ҳар бир оила, ҳар бир инсон, ҳар бир фуқаро, шу жумладан, хотин-қизлар эканлигини унутмаслигимиз керак.

Зухра БОТИРОВА,

Ўзбекистон Республикаси Олий Мажлиси Қонунчилик палатаси депутати.

Ўзбекистонда соғлиқни сақлаш, 2 март 2012 йил